

<p><b>HELAIAN KETERANGAN PRODUK</b></p> <p>(Sila baca Helaian Keterangan Produk ini sebelum anda membuat keputusan untuk menyertai “<b>IKHLAS Regular Top Up Secure Takaful Rider</b>”. Sila pastikan juga anda membaca terma dan syarat am.)</p>	<p><b>TAKAFUL IKHLAS BERHAD</b></p> <p>(Dilisenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)</p> <p><b>IKHLAS REGULAR TOP UP SECURE TAKAFUL RIDER</b></p> <p>Tarikh: 08/10/2018</p>				
<p><b>1) Produk apakah ini?</b></p> <p>Pelan tambahan adalah sebagai kemudahan untuk Sumbangan Takaful tambahan yang mana Sumbangan Takaful tambahan tersebut akan berfungsi sama seperti akaun simpanan di bank dalam masa tempoh Sijil Takaful.</p>					
<p><b>2) Apakah konsep-konsep Syariah yang diguna pakai?</b></p> <ul style="list-style-type: none"> <li>• <b>Tabarru’</b> – bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu Peserta-peserta Takaful yang ditimpa musibah. Di dalam konteks Takaful IKHLAS, Tabarru’ akan diperuntukkan ke dalam Dana Risiko.</li> <li>• <b>Wakalah</b> – merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejennya (<i>wakil</i>) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks Takaful IKHLAS, pihak Syarikat dilantik sebagai ejen (<i>wakil</i>) untuk melaksanakan Perniagaan Takaful dan yuran Wakalah (<i>Ujrah</i>) akan dibayar kepada pihak Syarikat.</li> </ul>					
<p><b>3) Apakah perlindungan-perindungan/manfaat-manfaat yang ditawarkan?</b></p> <p>Sekiranya berlaku Kematian atau Keilatan Kekal dan Menyeluruh ke atas Orang Yang Dilindungi atau Sijil Takaful ini telah matang, 100% amaun terkumpul di dalam Akaun Pelaburan Peribadi (PIA) Orang Yang Dilindungi akan dibayar kepada Orang Yang Dilindungi atau waris atau penama.</p>					
<p><b>4) Berapakah jumlah Sumbangan Takaful yang perlu dibayar?</b></p> <p>Sumbangan Takaful minimum ialah RM120.00 setahun.</p> <p>* Amaun penambahan hendaklah dalam gandaan RM10.00.</p>					
<p><b>5) Apakah yuran-yuran dan caj-caj yang perlu dibayar?</b></p> <table border="1" data-bbox="207 1507 565 1570"> <tr> <td>Yuran Wakalah*</td> <td>5.25%</td> </tr> <tr> <td>Komisyen</td> <td>1.5%</td> </tr> </table> <p>* Komisyen adalah sebahagian daripada yuran Wakalah.</p>		Yuran Wakalah*	5.25%	Komisyen	1.5%
Yuran Wakalah*	5.25%				
Komisyen	1.5%				
<p><b>6) Apakah terma-terma dan syarat-syarat utama yang perlu diketahui?</b></p> <p>a) Pendedahan maklumat – anda dikehendaki mendedahkan semua maklumat dan fakta seperti umur, pekerjaan dan keadaan kesihatan dengan betul. Takaful IKHLAS mempunyai hak untuk menolak pembayaran tuntutan jika anda didapati gagal untuk mendedahkan maklumat yang relevan yang akan mempengaruhi keputusan untuk menerima atau menolak risiko, dan tentang peruntukan-peruntukan yang akan ditetapkan pada anda.</p>					

- b) Tempoh Bertenang – Anda boleh membatalkan Sijil Takaful dengan mengembalikan Sijil Takaful tersebut kepada pihak Syarikat dalam tempoh lima belas (15) hari dari tarikh pengeluaran Sijil Takaful tersebut. Sumbangan Takaful yang telah dibayar (selepas ditolak dengan jumlah perbelanjaan perubatan – sekiranya ada) akan dikembalikan.
- c) Jumlah terkumpul di dalam PIA – Pendapatan pelaburan sebenar boleh berubah-ubah mengikut keadaan pasaran. Oleh itu, jumlah terkumpul di dalam PIA boleh meningkat naik atau menjadi kurang daripada amaun Sumbangan Takaful yang telah dibuat ke dalam PIA (berkemungkinan menyebabkan peluputan Sijil Takaful sebelum tempohnya).
- d) Keuntungan pelaburan daripada PIA , jika ada, akan dipulangkan kepada Peserta Takaful (melalui PIA) setelah ditolak Yuran Prestasi Pelaburan sebanyak 30% daripada keuntungan pelaburan tersebut. Walau bagaimanapun, pihak Syarikat boleh menolak Yuran Prestasi Pelaburan kurang daripada 30% daripada keuntungan pelaburan sebagai Yuran Prestasi Pelaburan.
- e) Adalah penting bagi anda untuk menerima dan menyimpan resit-resit sebagai bukti pembayaran Sumbangan-sumbangan Takaful.
- f) Sekiranya anda tidak menerima Sijil Takaful selepas empat belas (14) hari dari tarikh penyertaan, sila hubungi kami.

Nota: Senarai ini tidak muktamad. Sila rujuk kepada Sijil Takaful bagi mendapatkan senarai penuh terma-terma dan syarat-syarat yang terdapat di bawah Sijil Takaful.

**7) Apakah pengecualian-pengecualian utama yang terdapat di dalam Sijil Takaful ini?**

Tiada sebarang pengecualian yang akan dikenakan.

**8) Bolehkah Sijil Takaful ini dibatalkan?**

Menyertai pelan Takaful keluarga adalah komitmen kewangan jangka panjang. Jika anda tidak membayar Sumbangan Takaful dalam tempoh ehsan, Sijil Takaful anda akan luput. Jumlah tunai yang akan dibayar oleh pengendali Takaful apabila anda membatalkan Sijil Takaful sebelum tempoh matang akan lebih rendah daripada jumlah Sumbangan Takaful yang anda telah bayar.

**9) Apakah yang perlu dilakukan sekiranya terdapat perubahan kepada maklumat untuk dihubungi?**

Adalah penting anda memaklumkan kepada kami sebarang perubahan pada maklumat/alamat untuk memastikan semua komunikasi perhubungan sampai kepada anda dalam jangka masa ditetapkan.

**10) Bagaimanakah saya boleh mendapatkan maklumat lanjut?**

Jika anda memerlukan maklumat tambahan mengenai Takaful Keluarga dan/atau Takaful Perubatan dan Kesihatan, sila rujuk kepada buku panduan *info insurers* mengenai 'Takaful Keluarga', dan/atau 'Takaful Perubatan dan Kesihatan'. Anda boleh memperolehnya daripada ejen Takaful kami atau lawati [www.insuranceinfo.com.my](http://www.insuranceinfo.com.my)

Sekiranya anda mempunyai sebarang pertanyaan, sila hubungi kami di:

**Takaful Ikhlas Berhad**  
Jabatan CRM  
IKHLAS Point, Tower 11A, Avenue 5

Bangsar South, No. 8 Jalan Kerinchi  
59200 Kuala Lumpur.

Tel: +603-2723 9696

Faks: +603-2723 9998

Laman sesawang : [www.takaful-ikhlas.com.my](http://www.takaful-ikhlas.com.my)

Emel: [ikhlascare@takaful-ikhlas.com.my](mailto:ikhlascare@takaful-ikhlas.com.my)

**11) Produk seumpama yang boleh didapati.**

- TIADA –

**NOTA PENTING:**

**PENYERTAAN DI DALAM PELAN TAKAFUL KELUARGA ADALAH MERUPAKAN KOMITMEN KEWANGAN JANGKA PANJANG. ANDA HARUS MEMILIH JENIS SIJIL TAKAFUL YANG BENAR-BENAR BERSESUAIAN DENGAN KEHENDAK ANDA. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN EJEN ATAU MENGHUBUNGI PENGENDALI TAKAFUL SECARA TERUS UNTUK MAKLUMAT SELANJUTNYA.**

*Maklumat yang disediakan dalam Helaian Keterangan Produk ini adalah sah pada: 08/10/2018*